



**Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 1. S. Guilielmi Archiepiscopi Eboracensis extrema.

---

[urn:nbn:de:hbz:466:1-66377](#)

VIX.  
pieta.  
ulget,  
timus  
  
S. Ber.  
s poli-  
alia ex  
) tres  
mum,  
, fine  
icato,  
triis,  
erum  
rnar-  
gare  
nunc  
cor-  
erga  
psas  
tota



233

# HISTORIA ECCLESIASTICA.

LIBER LXX.



ANASTASIUS IV. PAPA.

FRIDERICUS I. IMPERAT. OCC. MANUEL  
COMNENUS IMP. ORIENTIS.

§. I.

S. Guilielmi Archiepiscopi Eboracensis  
extrema.

**H**enricus Murdacus Archiepiscopus Sæcul. XII.  
Eboracensis, Eugenio III. Papæ, & A.C. 1153.  
S. Bernardo, Defensoribus suis haud  
diu superstes, eodem anno millesimo  
centesimo quinquagesimo tertio, deci-  
ma quarta Octobris, naturæ debitum p. 141.  
solvit, postquam illam Sedem occupasset  
annis quinque.

vit. S. Guil.  
ap. Boll. 8.  
Jun. to. 20.

P 5

At

**Sæcul. XII.**

A.C. 1154.

**Sup. lib.  
LXIX.**

At Guilielmus Archiepiscopus in Concilio Remensi anno millesimo centesimo quadragesimo octavo depositus, relicto loco secessus sui, quamprimum mortem Papæ & S. Bernardi comperit, celeriter Romam profectus, conspectum electi Papæ Anastasii subiit, quem, cum adhucdum esset Cardinalis, causæ suæ farentem expertus fuerat. Gratiam vero simpliciter rogabat Guilielmus, nihil de illata sibi injuria conquerens; cum Romanam afferuntur literæ, obitum Henrici Archiepiscopi nunciantes. Mors Henrici haud parum causam Guilielmi adjuvit, quippe Papa & Cardinales, optimi viri canos reverentes, sententiam ab Eugenio in eum latam retractarunt, & pristinæ Dignitati restituto etiam Pallium, quod prius obtinere non potuerat, concederunt.

In Angliam reversum, & Cantuariæ diversantem Rogerius Archidiaconus hujus Ecclesiæ, haud ignarus, virum esse virtutibus insignem, invisit & salutavit; de quo, cum recederet, Archiepiscopus Eboracensis prædixit, hunc Rogerium suum in Archiepiscopatu Successorem futurum esse. Verum fuisse vaticinium eventus deinde docuit.

Guilielmus Wintoniam pervenit Sabato sancto, die tertia Aprilis, anno millesimo centesimo quinquagesimo quarto,

&amp;

& Festum Paschæ cum Octava apud Sæcul. XII.  
Henricum Episcopum Avunculum suum A.C. 1154.  
celebravit, tandemque Eboracum Do-  
minica ante Ascensionem Domini nona  
Maji attigit. Ubi applaudentibus Cle-  
ricis populoque, Roberto Decano &  
Osberto Archidiacono nequicquam in-  
vitis, exceptus est. Cum autem ingen-  
tes populorum cunei redeuntem con-  
spicere gestientes constiparentur, pons  
ligneus, qua transeundum fuit, ruens,  
magnam hominum multitudinem effu-  
dit in fluvium. Nemo tamen hoc casu  
vita privatus est; quod omnes orationi  
& benedictioni S. Archiepiscopi in ac-  
ceptis retulerunt.

In Feste Sanctæ Trinitatis, Missa so-  
lemni peracta, cum se subito correptum  
febre sentiret, nihilominus splendidum  
convivium invitatis hospitibus in suo  
palatio adornari jussit, cui postquam a-  
liquamdiu assedit, conclave suum intrans  
familiaribus diem mortis suæ prædixit.  
Febre octo diebus per omnes artus gras-  
sante nullam medicorum opem admisit,  
& nona, quæ erat dies octava Junii an-  
no millesimo centesimo quinquagesimo  
quarto, uno mense exacto, ex quo Ebo-  
racum advenerat, extinctus est. Mors  
præcox omnibus suspicionem propinati  
veneni creavit, nec defuere, qui dice-  
rent, quod sacris operans virus, inimi-  
corum

Sæcul. XII. corum beneficio Calici mixtum, ha-  
A. C. 1154. sisset. Verumtamen postea patuit, ina-  
nem fuisse rumorem & quorundam ma-  
levolorum calumniam.

Guilielmus inter Sanctos in die obi-  
tus sui honoratur, corpusque ipsius post  
annos triginta, ex quo decesserat, e ter-  
ra elevatum est, quæ translatio complu-  
ribus miraculis claruit.

Guilielmo fatis functo, Roberto De-  
cano & Osberto Archidiacono, qui ei  
semper infensi fuerant, præcipuis auto-  
ribus, a Capitulo, ut ut repugnante, e-  
lectus est Rogerius Archidiaconus Can-  
tuariensis, eidem favente Theobaldo  
Archiepiscopo, in Anglia Legato, & Re-  
ge consentiente. Eum Theobaldus suis  
manibus ordinavit, a quo Capitulum  
Cathedrale Eboracense obtinuit, ut hanc  
Consecrationem ex potestate sibi ut Le-  
gato Sedis Apostolicæ competente, non  
autem jure Archiepiscopali Ecclesæ  
Cantuariensi annexo, perageret. Ro-  
gerius Sedem Eboracensem annis viginti  
septem tenuit, magis sæcularibus nego-  
tiis, quam officiis spiritualibus intentus.

*Goduin.  
Ebor. c. 31.*

### §. II.

*Stephanus moritur. Henricus II. Rex  
Angliæ.*

Eodem anno millesimo centesimo quin-  
quagesimo quarto vigesima quinta  
Octo-